

Kev Kho Mob Siv Tshuaj Monoclonal Tiv Thaiv Kab Mob Hauv Nrog Cev Yog Dab Tsi?



Yog koj muaj feem xyuam yuav muaj mob nyhav rau kab mob COVID-19 thiab koj kuaj tau muaj kab mob COVID-19 los sis tau nyob ze rau tus neeg kuaj tau kab mob, koj yuav tau xyuas kev kho mob siv monoclonal antibody (mAb, tshuaj monoclonal tiv thaiv kab mob hauv nrog cev). Tej zaum koj tsim nyog yuav tau txais ib txoj kev kho mob uas siv tshuaj mAb los kho kab mob COVID-19 no raws li koj lub hnuv nyoog, keeb kwm kev noj qab haus huv, thiab ncuaj sij hawm koj tau muaj cov tsos mob tshwm sim.

Kev kho mob siv tshuaj mAb tuaj yeem thaiv tau tus kab mob vais lav uas chiv los ua kab mob COVID-19 los ntawm kev nkag mus rau hauv cov hlab roj yeej noob hauv koj lub cev thiab txo tau cov kab mob vais lav nyob rau hauv koj nrog cev. Qhov no txhais tias koj yuav muaj cov tsos mob me heev thiab tuaj yeem txo tau kev uas koj yuav tsum tau mus pw kho hauv tsev kho mob.

Kev kho mob uas siv tshuaj mAb tuaj yeem pab tau cov neeg uas:

- Muaj feem xyuam siab rau kev tau txais cov tsos mob tshwm sim nyhav **thiab**
- Kuaj tau kab mob COVID-19 los ntawm kev muaj cov tsos mob tshwm sim rau sij hawm 7 hnuv los sis tsawg dua **los sis**
- Tau nyob ze rau tus neeg uas nyuam qhuav mus kuaj tau muaj kab mob.

• TSHUAJ MONOCLONAL TIV THAIV KAB MOB HAUV NROG CEV YOG DAB TSI?

Koj lub cev nws tus kheej yuav tsim tau cov roj tiv thaiv kab mob hauv nrog cev los tawm tsam kev kis kab mob. Txawm li cas los xij, koj lub cev yuav tsis tuaj yeem tsim tau cov roj tiv thaiv kab mob los tswj tuav tau hom kab mob vais lav txia tshiab (los sis tawm tshiab) xws li SARS-CoV-2, uas yog tus kab mob vais lav chiv keeb ua kab mob COVID-19. Tshuaj Monoclonal tiv thaiv kab mob hauv nrog cev, los sis mAb, tau txais kev tsim tawm los nyob rau hauv tsev tshuaj ntsuas xyuas los tawm tsam yam kev sib kis kab mob uas zoo sib thooj (qhov no yog siv rau SARS-CoV-2) thiab muab thau siv ncaj qha rau koj los ntawm kev tsau txias cia. Kev kho mob siv tshuaj mAb tuaj yeem yuav pab tau yog koj muaj feem xyuam ntau rau kev muaj cov tsos mob tshwm sim loj los sis yuav tau mus pw tsev kho mob.

Kev kho mob siv tshuaj mAb rau kab mob COVID-19 txawv kev siv tshuaj tiv thaiv kab mob COVID-19. Tshuaj tiv thaiv kab mob yog pab koj lub cev txhawb kev tiv thaiv kab mob hauv nrog cev, tiam sis tuaj yeem siv ntau vij los tsim roj tiv thaiv kab mob hauv nrog cev kom txaus rau kev tawm tsam kab mob vais lav. Yog li ntawv, yog koj muaj kab mob vais lav, kev kho tshuaj mAb yuav tsim roj tiv thaiv kab mob hauv nrog cev rau koj lub cev uas yuav tiv thaiv tau los ntawm nws tus kheej. Kev kho tshuaj mAb tsis yog siv hloov rau kev tiv thaiv kab mob los ntawm tshuaj tiv thaiv kab mob tiam sis tuaj yeem pab tau koj yog tias koj muaj feem xyuam yuav muaj kab mob COVID-19 nyhav.

• KEV KHO MOB SIV TSHUAJ MONOCLONAL TIV THAIV KAB MOB HAUV NROG CEV PUAS TUAJ YEEM UA RAU KUV TSIS XIS NEEJ TAU?

Kev kho mob siv tshuaj tiv thaiv kab mob hauv nrog cev tsis muaj cov kab mob vais lav cia sia, yog li ntawv yuav tsis ua rau koj tau txais kab mob COVID-19 los ntawm kev kho mob siv tshuaj mAb tau. Txawm li cas los xij, kev kho mob siv tshuaj tiv thaiv kab mob hauv nrog cev tej zaum yuav muaj cov tsos mob cuam tshuam. Thov nrog koj tus kws pab kho mob tham hais txog cov mob cuam tshuam yuav muaj tau thiab yam yuav tau ua yog tias muaj cov mob cuam tshuam no.

- **YUAV UA CAS YOG TIAS KUV TSI TSIM NYOG TAU TXAIS KEV KHO SIV TSHUAJ MONOCLONAL TIV THAIV KAB MOB HAUV NROG CEV?**

Koj tus kws pab kho mob yuav yog tus txiav txim siab rau qhov koj tsis tsim nyog tau txais qhov kev kho siv tshuaj mAb. Nws tuaj yeem muaj ntau yam rau qhov no. Tej zaum koj tsis nyob rau tag nrho qhov kev cai tsim nyog kho, los sis tej zaum koj muaj tej yam kab mob cuam tshuam uas ua rau koj tsis tsim nyog tau txais qhov kev kho mob siv tshuaj mAb. Nug koj tus kws pab kho mob txog lwm cov hau kev kho mob.


- **KUV TUJ YEEM TAU TXAIS TSHUAJ MONOCLONAL TIV THAIV KAB MOB HAUV NROG CEV TAU LI CAS?**

Kauj ruam 1: Kuaj tau kab mob COVID-19 thiab muaj cov tsos mob tshwm sim tau 7 hnuv los sis tsawg dua.

Kauj ruam 2: Tau txais kev xa tauj los ntawm koj tus kws pab kho mob.

Kauj ruam 3: Nrhiav qhov chaw koom hauj lwm ua ke uas muaj.

Txhawm rau kom tau txais mAb koj yuav tsum tau txais kev xa los ntawm koj tus kws pab kho mob thiab qhia rau cov chaw koom hauj lwm ua ke uas muaj. **Yog tias koj tsis muaj kws pab kho mob**, hu rau Combat COVID Monoclonal Antibodies Call Center (Lub Chaw Txais Kev Hu Xov Tooj Hauv Qhov Chaw Pab Tshuaj Monoclonal Tiv Thaiv Kab Mob Hauv Nrog Cev Tawm Tsam Kab Mob COVID) tau ntawm 1-877-332-6585 txhawm rau nrhiav tus neeg nrog tham hais txog koj cov tsos mob tshwm sim thiab kev kho mob.



DOH 825-031 March 2022 Hmong

Xav thov cov ntaub ntawv no sau ua lwm hom qauv ntawv, hu rau 1-800-525-0127. Cov neeg thov kev pab uas lag ntseg los sis hnov lus tsis zoo, thov hu rau 711 (Washington Relay) los sis sau email rau <mailto:ecivil.rights@doh.wa.gov>.